

1529

*Lelubajardus a Rege in Belgium missus.*

*Ludovica Regis mater ad Cameracum ad pacem faciendam.*

*Franciscus Rex, ut Senatorum oratoribus mandata de pace daret, postalat.*

*Senatus mandata paci subscribitur oratoribus tribuit.*

*Andreas Naugeri obitus.*

*Marcus Minius orator in Gallia.*

*Veneri per Justinianum oratorem in Italiam Gallos alliciunt.*

ti negotium peragendum mandata Cæsaris sufficerent, disquirere voluit; ad eam rem explorandam Lelubajardum cubicularium a secretis in Belgium misit, visaque quam Margaretae amplissimam facultatem Cæsar dederat, Rex Ludovicam matrem Cameracum misit, ut de pace ageret; iis se, quæ ambæ simul decrevissent, pollicitus assensurum. Rex ea consilia initio tecta, mox oratoribus explicuit, nullas concordiae conditiones amplexurum testatus, ni prius Senatui, ac reliquis foederatis expositis, eorum voluntas accederet: interim propensum illius, atque benevolum in Rempublicam animi officii plenis testari verbis; ad pacem hortari; demum petere, ut a Senatu oratoribus ad negotium conficiendum mandata mitterentur. His a Patribus intellectis, quamvis Regis consilia, actionesque suspectas haberent, quippe qui modo in Italiam se venturum, modo ingentia subsidia submissurum cum diu affirmasset, clam de pace cum Cæsare agigaret; attamen ne ab eo, quod ceteri Principes cupere videbantur, alieni se patefacerent, mandata oratoribus, ut paci subscriberent, dedere, modo communi reliquorum foederatorum consensu esset amplectenda. Illud adjectum est, si Rex ab Italico proposito itinere abstinere velit, saltem copias ad decem millia peditum augeat; duodecim millia præter cataphractos, & leviores equites, tormentaue, Reipublicæ militaturos. Nondum his Senatus literis in Galliam allatis, Andreas Naugerus gravissimo morbo conflictatus Blesis excessit, vir excellenti ingenio, omnibus disciplinis, politioribusque præsertim studiis instructus. A prima juvenia Bartholomæi Liviani, terrestrium copiarum Imperatoris, consiliorum particeps, atque itinerum comes; mox accedente ætate, summis negotiis apud summos Reges assuetus, cui ob singularem facundiam, maximarumque rerum usum Decemviri Historiæ Venetæ conscribendæ onus detulere: licet illius fructus acerimi ingenii censura, ex testamenti tabulis concrematis libris, ad posteros minime pervenerit; ex cujus obitu summus omnium ordinum civitatis moeror fuit. In ea legatione Marcus Minius suffectus est. Sebastiano Justiniano literæ dantur, quibus quo in statu res Italiæ sint, Regem edoceat; octo millia peditum in Hastensem agrum Rempublicam si in Italiam